



Isalathiso: 20160211-7653  
13/2/8/30/R  
Imibuzo: Kwi-Ofisi yeSithili

ISetyula: 0009/2016  
Umhla wokuphelelwa: Awukho

Iya: KuBalawuli abaziiNtloko, kuBalawuli (KwaNdlunkulu nakwii-ofisi zezithili), kuBaphathi  
beeSekethe, kuBaqquzeleli bezoPhuhliso lweZikolo, nakwiiNqununu zezikolo  
eziziiprayimari neziisekondari

**Isihloko: UMnyhadala woKhuphiswano lweeKwayala zeZikolo zaseMzantsi Afrika  
(South African Schools Choral Eisteddfod) ka-2016**

1. ISebe leMfundo esiSiseko likazwelonke (DBE) libambisene nawo onke amasebe  
emfundo amaphondo liya kuququzelela kwakhona, lilawule yaye libeke esweni  
uMnyhadala woKhuphiswano lweeKwayala zeZikolo zaseMzantsi Afrika ka-2016 (*South  
African Schools Choral Eisteddfod*) (SASCE).
2. Ukhuphiswano luka-2016 lucwangciswe ngokutsha ukwenzela ukuba lubandakanye  
abafundi abangaphezulu yaye lulungiselela iikwayala zezikolo kula macandelo  
alandelayo:

**Izikolo eziziiprayimari**

limveku (AmaBakala R-2)  
Isigaba sesiseko (AmaBakala 3-4)  
EsiPhakathi (AmaBakala 5-7)  
Izikolo zasezifama

**Izikolo eziziisekondari**

**I-Secondary A**

Zizikolo ezitshatshelayo kule minyaka mine idlulileyo kwezi kwiindidi zintlanu  
zivunyiweyo (o.k.t. iikwayala ezingumxube – i-African, i-Afrikaans, i-Western  
neekwayala zamadoda namabhinqa).

### **Izikolo ze-Secondary B**

Zizikolo ezithatha inxaxheba okokuqala nezo zikolo bezikhe zathatha inxaxheba kule nkqubo kodwa azagqithela ukufikelela kumanqanaba kazwelonke.

### **Udidi i-Open Category**

Kuzo zombini ezi ndidi zingentla kuya kukhethwa naluphi na udidi abalubona lufanelekile kukhuphiswano.

**Kucelwa ukuba ufunde imigaqo ethi “2016 Participating Rules” yomculo omiselweyo neekhrayitheriya zokuthatha inxaxheba. Inqununu nombhexeshi wekwayala (conductor) KUFUNeka bafunde baziqhelanise nale migaqo. ISebe leMfundo leNtshona Koloni (WCED) liya kubeka phantsi kweliso elibukhali izikolo ezithatha inxaxheba kwiSASCE kuwo onke amanqanaba. Izikolo ezingayithobeliyo le migaqo ziya kukhutshwa (disqualified) ngoko nangoko yaye zingabi nakuvunyelwa ukuthatha inxaxheba kwiSASCE ithuba leminyaka emihlanu ezayo.**

3. Iikwayala zesigaba sesiseko ziya kuthatha inxaxheba kuphela kwiminyhadala yezithili. Ezi kwayala azisayi kuthatha inxaxheba kwizigaba zamaphondo nezikazwelonke zalo mnyhadala wokhuphiswano.
4. Kumiselwe amaculo (*music pieces*) kuwo onke la macandelo. Imigaqo yokuthatha inxaxheba nee-*music scores* zika-2016 zinokukotshelwa kwiziko lewebhu leDBE apha: <http://www.thutong.doe.gov.za/Default.aspx?alias=www.thutong.doe.gov.za/school enrichment> Unako kwakhona ukuqhagamshelana neofisi yesithili yakho ukufumana uncedo lomculo okanye lwemigaqo yokuthatha inxaxheba.
5. Ukungenela ukhuphiswano, izikolo mazizalise ifom yokubhalisa eqhotyoshelwe apha yaye ibuyiselwe kwigosa elichaphazelekayo elijongene nezophuhliso lwezikolo kwiofisi yesithili ungalulanga owe- 18 Matshi 2016. Kucelwa izikolo zinciphise inani lekwayala libe ngabafundi abangama-45. Oku kunceda ekwenzeni kube lula ukwenza amalungiselelo.
6. Ababhexeshi beekwayala neenqununu zezikolo ezibhalisayo ziya kubizelwa koomasifundisane besithili ukubaqhelanisa nomculo omiselweyo kwanemigaqo yokuthatha inxaxheba.
7. Imijikelo yesithili neyephondo yokukhiqa iikwayala ezingaqhubanga kakuhle (*elimination rounds*) kwiphondo iya kubanjwa phakathi kukaEpreli noMeyi 2016, ngokulandelelanayo.
8. Izikolo ziya kuvunyelwa kuphela ukuqhubela phambili ukuya kwinqanaba elilandelayo ukuba zifumene amanqaku enqanaba 3 (60%) kwinkqubo yazo nangaphezulu oko kusenziwa ngabagwebi.

9. Iinqununu neekomiti zabaphathi bezikolo (*school management teams*) maziqinisekise ukuba ukuziqhelanisa kweekwayala akuphazamisani nenkqubo yokufunda yesikolo kunye nexesha lokufunda nokufundisa (*contact time*). Bekubeke esweni oku loo nto inyanzelisa ukuba ababhexeshi beekwayala bangaceli abafundi ukuba baye kuqhelaniso lweekwayala ngexesha lokufundisa.
10. Izikolo ezithatha inxaxheba kwezi ziganeko mazizenzele amalungiselelo azo okuhamba nawokulala. IWCED iya kunika inkxaso-mali ukwenzela ukuhamba nokulala ngolu hlobo lulandelayo:
  - Izikolo ezihamba ngaphezulu kwama-200 km (ukubuya) ziya kufumana inkxaso-mali eya kufikelela kwisixa-mali esiphezulu sika-R3 000.00 ngesikolo ngasinye ukwenzela ukhuphiswano imijikelo yesithili nemijikelo yephondo.
  - Isikolo esihamba ngaphezulu kwama-700 km (ukubuya) siya kufumana inkxaso-mali eya kufikelela kwisixa-mali esiphezulu esingama-R5000.00 ngesikolo ngasinye ukwenzela imijikelo yesithili kunye neyephondo.
  - Indawo yokulala eyenzelwa imijikelo yephondo iya kuxhaswa ngemali nge-R100.00 ngomfundi ngamnye ngobusuku ngabunye.

*Ezi nkxaso-mali ziya kuhlawulwa lusakuba lusayiniwe uXwebhu lweNtsebenziswano (Memorandum of Understanding) oluya kungeniswa kwaNdlunkulu ubuncinane iiveki ezi-3 phambi kwesiganeko.*

11. Umnyhadala wokhuphiswano lweekwayala lokugqibela kuzwelonke uya kubanjelwa eRhawutini phakathi kowe-28 nowe-30 Juni 2016. IWCED iya kuhlawulela ezothutho nokulala kwabafundi abangama-45 bezikolo ngasinye ngalo msitho. IWCED ayisayi kutenxa koku.
12. Kucelwa wazise okukule ngcaciso imfutshane ababhexeshi beekwayala, ootitshala nabazali kunye nabafundi ukuze bakuthathele ingqalelo.

**ISAYINWE:** NGU-P A VINJEVOLD

**INTLOKO YESEBE LEMFUNDO**

**UMHLA:** 2016-02-25

**linkcukacha zoqhagamshelwano zamagosa ezithili**

<b>Isithili semfundo</b>	<b>linkcukacha zoqhagamshelwanos</b>
<i>Metro Central</i>	Nks S Majjet Ifoni: 021 514 6700 Ifeksi: 021 514 6953 I-imeyili: <a href="mailto:Smajjet@westerncape.gov.za">Smajjet@westerncape.gov.za</a>
<i>Metro East</i>	Nks MJ Swartz Ifoni: 021 900 7253 Ifeksi: 021 903 2149 I-imeyili: <a href="mailto:Mjswartz@westerncape.gov.za">Mjswartz@westerncape.gov.za</a>
<i>Metro North</i>	Mnu D Leonard Ifoni: 021 938 3170 Ifeksi: 021 938 3180 I-imeyili: <a href="mailto:Dleonard@westerncape.gov.za">Dleonard@westerncape.gov.za</a>
<i>Metro South</i>	Mnu: R Esau Ifoni: 021 370 2000 Ifeksi: 021 372 1856 I-imeyili: <a href="mailto:Resau@westrncape.gov.za">Resau@westrncape.gov.za</a>
<i>West Coast</i>	Nks C Beukes Ifoni: 021 860 1210 Ifeksi: 021 860 1231 I-imeyili: <a href="mailto:Cbeukes@westerncape.gov.za">Cbeukes@westerncape.gov.za</a>
<i>Cape Winelands</i>	Mnu F Josias Ifoni: 023 348 4602 Ifeksi: 023 342 4138 I-imeyili: <a href="mailto:Fred.Josias@westerncape.gov.za">Fred.Josias@westerncape.gov.za</a>
<i>Overberg</i>	Mnu K Mike Ifoni: 028 214 7300 Ifeksi: 028 214 7400 I-imeyili: <a href="mailto:Kobus.Mike@westerncape.gov.za">Kobus.Mike@westerncape.gov.za</a>
<i>Eden &amp; Central Karoo</i>	Nks S Stofile Ifoni: 044 803 8300 Ifeksi: 044 873 2253 I-imeyili: <a href="mailto:Sino.Stofile@westerncape.gov.za">Sino.Stofile@westerncape.gov.za</a>